

Voici maintenant la description de la ville de Lyon qui se trouve, avec la vignette, aux pages 94, 95 et 96 :

« DE LA VILLE DE LYON »

« Strabo escrit de Lyon, que ce a este de son temps la ville la plus noble et peuplée de toutes les villes de la Gaule, excepte Narbonne. Et aujourd'huy mesme elle n'est pas moins excellente ne grande, veu que le circuit des murs est si grand, comprenant deux petites montaignes et grand pays de vignes, qu'il y a bien peu de villes en toute la France qui luy doivent estre preferees. Plusieurs nations estranges y abordent et trafficquent, lesquelles nous y voyons habiter, affin quilz puissent aiseement et commodement transporter de là toutes sortes de marchandises en quelque part du monde qu'on voudra. Les rivieres qui passent là, montrent combien est grande la commodite du lieu, et ce qu'elle est situee presque au milieu de l'Europe. Premièrement il y a le Rosne, qui vient des Alpes, et passe par la Savoye, puis apres la Saonne, qui descend du pays de Bourgogne, et se meslent à Lyon l'un avec l'autre, entrentz ensemble en la mer Ligusticque qui est la mer de Gennes, qui sont rivieres fort propres pour porter et rapporter marchandises. Les Romains considerans la grande commodité de ce lieu là, l'ennoblirent soigneusement de toutes autres choses. Car ilz y feirent battre de la monnoye d'or et d'argent. Agrippa ans passantz de Lyon pour aller aux autres quartiers de la Gaule, divisa tres proprement les chemins. Il partit la Gaule en trois, en la Gaule Narbonnaise, l'Aquitanicque, et la Lyonnaise et Belgique. Tous les tribuz et péages estoyent là apportez de toute la Gaule, les revenuz desquelz estoient si grans, que la Gaule seule estoit estimee